



## **Waerachtige Historie Van de Martelaers Van Gorcom**

**Estius, Wilhelm**

**Antwerpen, 1604**

Capittel X. Van den tijdt sijner martyrie, ende van sijn contrefetsel.

---

[urn:nbn:de:hbz:466:1-64552](#)

de saecke. Maer hen-lieden heeft in desen Martelaer mis-haeght / dat eer-tydts in't ghemeyn in alle Christene Martelaers beschuldight hebben de vanden des Christendoms / ende dat sy in hen-lieden met aller-hande tormenten hebben willen vervolghen : te weten hunne onbeweghelycke stantaftigheyt inde belydinghe des gheloofs / die sy nijdighelyck noemden te wesen een onvooghelycke herdneckigheyt. Maer sy worpen op / dat hy de doodt niet ghestoruen en is veur de bevestinghe des gheloofs oft religie / maer alleenelyck daerom / dat hy den Paus gheens-sins en heeft willen versaecken. Met welch woordt veur-waer sy alle wijsse verstandiche menschen ghenoegh betupghen en seker maeken / dat hy inder waerheyt niet eenen glorieusen strijd ghestoruen is veur het Catholyck ghelooue / het welch bekent opder aerden eenen opperste stadhoudter Christi / den Paus van Sioomen. Inder voeghen dat Godt hen-lieder ghetupghenissee heeft ghekeert ende doen vallen op hun eyghen hoofd / dat daer sy de glorie des Martelaers mede meyndt uyt te blusschen / de selue daer deur meer gevoordert ende verclaert hebben.

## CAPITTEL X.

Van den tijdt sijner martyrie, ende van sijn con-trefeytsel.

**P** Nicolaes van heeft sijn martyrie vol-eyndt als hy noch ouer acht-en-dertigh iaeren niet oudt en was. Want wop hebben verstaen dat hy ghebo-ren is in't iaer onses Heeren 1534. den 29. Augusti. Sijn ghedaente naer d'leuen ghelschildert (hoe wel dat ick die veur de aller-minste ghedenkenisse achte van al-sulcken man) wordt van my

G

wel

Vraeght ghy, wien dat vertoont dese figure ?

T'is Nicolaes Pieck de nieuwe Martelaer,

Te Gorcom gh-boren ; Franciscus regel pure

Heeft hem gheholpen tot vol-maecktheydt des  
leuens claer.

Sijn broeders die hy regeerde tot hunner baten

Als capiteyn heeft aen-geleydt te sterue de doodt;

Hy en heeft de deughdt inde doodt oock niet  
verlaten

Tot een brandt-offer gheoffert Gode den Heere  
goot.

Der ketters boosheydt in wercken en woorden  
bouwe

Verdraghende, wierdt ouer hen victorieus.

Twee-werf ghehanghen , sijn broeders en Godt  
ghetroawe

Met dubbel croone triumpheert nu glorieus.

Deur-waer met redene dunckt my dat ick wel  
magh glorieren in het maeghschap en oock vriend-  
schap van desen heylighen Martelaer / als die naer-  
den vleesche was mijn oom / naer Godt met een  
liefde stercker als broederlyck t'same gevoeght/oock  
de soighvuldigheydt van mijn ouders om mijn stu-  
dien te voorderen / heeft hy deur sijn goede verma-  
ninghen grootelijcks verlicht ende behulpelijck ghe-  
weest . Waer van ghetuypghen zijn vele sijne brie-  
uen tot my gheschreuen / die ick als eenen costelijc-  
ken schat met alle moghelycke soighvuldigheydt  
bewaere. Dan och oft ick in het beschryuen van sijn  
martvrie hem hadde connen yet vergelden van sijn  
groote verdiensten tot my ! D'welck al en ist niet  
gheschiedt / al-tijdt en hebbe ick aen my niet willen  
laten lieghen oft ick en soude em mers met sekere en-

de

de gansche ghetrouwighedt ende mijnen goeden  
willie dit schrift den nae-comelinghen bevelen om  
sijn kennisse ende ghedenckenisse eeuwelijck te doen  
bewaren.

## C A P I T T E L XI.

Het leuen van P. Hieronymus Vicarius vande  
Minder-broeders.

**P.** Hieronymus ghebozen van Weerdt / d'welck  
is een stadt des Graefschaps van Hoorne /  
onder de Minder-broeders naest den Gardiaen / die-  
men Vicarius noemt / heeft eer-tijds het heyligh  
landt dat Christus de Salig-maecker met sijn voe-  
ten bewandelt heest deur Godt-vruchtighedt ghe-  
dreyen / besocht : ende te Hierusalem in't clooster  
van syner Ordens een weynigh tijds ghewoont.  
Hier van wierdt hy ghenoemt de pelgrin oft rid-  
der van Hierusalem / ghelyck-men ghewoon is te  
noemen de ghene die ijt deuotie de selue plaetsen  
besocht hebben. Voordts was hy seer nauw in't  
onder-houden vande cloosterlycke discipline / ende  
vlijtigh om te vol-bringen alle t'ghene dat hem van  
sijn ouersten wierdt op-gheleypdt / hy sonder daer  
der sielen salighedt eenighs-sins schene deur ghe-  
voordert te moghen worden. Hy was dan met  
dul-danighe wercken becommert niet alleen met  
een Godt-vruchtigh veur-nemen ende intentie /  
maer oock met onverdrietelijcken arbeydt / ghereedt  
welende / soo vele alst hem moghelyck was / eenen  
peghelycken totter eeuwiger salighedt behulpelijck  
te zijn. Het welck hem by alle menschen lief-ghetal  
maecte. Tot wat plaetsen dat hy deur de ghe-  
hoorsaemheydt wierdt ghesonden / de selue plaetsen  
hiel hy veur sijn paradijs verclarede dat die hem de